

Ola Manuia | Te Kainibaire ibukin Tuan te Mauri ibukia kain te Betebeke inanon te Tai ae e Uarereke

Turai 2022–Tuun 2024

Ola Manuia | Te Kainibaire ibukin Tuan te Mauri ibukia kain te Betebeke inanon te Tai ae e Uarereke bon raon te boki ae Te Pae Tata | Te Kainibaire ibukin Tuan te Mauri i Nutiran inanon te Tai ae e Uarereke, are e a tia ni kawenei mwakuri inanon te moan uoua n ririki aika ana kaira ana waaki Te Whatu Ora ibukin tuan te mauri ibukia kain te Betebeke.

E anga Ola Manuia te kamatata i aon ana kawai Te Whatu Ora ni kakorakoraia botaki ni kuakua ibukia kain te Betebeke ao karaaan mwakuri aika a moanbwaiaki ibukin tuan te mauri irouia kain te Betebeke.

Ti ataia bwa e mwaiti mwangan te waaki ni kuakua aika a aki buti raoi ibukia kain te Betebeke, aiga, ngutuare tangata, famili, kāinga, magafaoa, kaiga, vuvale ao kaaiga (utu) ao taian community.

Mwakuri aika ti na karaoi inanon uoua te ririki ma ngkai bon ngaia aika ana boutokaia aia utu ao aia community kain te Betebeke i aon Nutiran bwa ana teimatoa ni marurung, ao n buokia kain te Betebeke bwa ana kona n reke irouia te ibuobuoki ae a kainnanoia, n te tabo are a kainnanoia iai.

Bwaai aika a moanibwaiaki ibukin mauria kain te Betebeke a roko man taian reirei aika a reke man butinakon te aoraki ae COVID-19, ao mai mwin aia maroro taian community n te Betebeke nakoira.

TAABO AIKA A RIAI NI MOANIBWAIKI IBUKIN MAURIA KAAIN TE BETEBEKE

- Tiina ma natia aika a uarereke
- Ataei ao te roronikirake
- Kaara
- Tagata sa'ilimalo | Mwauku
- Marurungin te iango ao te mweraoi
- Aoraki aika a maan, n aron te kaentia, te tioka, ao aorakin te tomanrii
- Katauraoi ibukin totokoan butinakon te aoraki n te aonnaba, n aron katabwaninan mwakuri ao totokoan kanganga ake a riki inanon uoua te ririki n nako

KOURU

- Kabobongan waaki aika ana boutoka tauan mwiin aorakia kain te Betebeke, ao te atatai i aon te kuakua ao community.
- Boutoka kakorakoran te mwioko nakoia kain te Betebeke ao karikirakean botaki ni kuakua ibukia kain te Betebeke.
- Boutokaia ao karikirakeia taan mwakuri aika kain te Betebeke.
- Uarokoi taabo aika a riai ni moanibwaiaki ibukin mauria kain te Betebeke.
- Tobwaa kainnanoia te botanaomata ae e riai ni moanibwaiaki ao katawea kabobongakin waaki ni kuakua aika a noraki kabwakaia n tain butinakon te aoraki n te aonnaba.

MWAKURI

- Kabobonga te kainibaire ibukin te community n te Betebeke i aon Nutiran ni kabuta ao te reitaki ae maeuakinaki.
- Katean te rabwata ae bobonga ibukin tauan mwin aorakia kain te Betebeke i aon Nutiran ni kabuta ao te kona ni karekea te atatai ma kamwakurana.
- Karekean te Itoman ae korakora i marenaia ana Botaki ni Kuakua te Betebeke ibukin boutokakia ao kakaraiaia taan kuakua aika kain te Betebeke.
- Karaoan te kakae ae e na boutoka karekean te waaki n tararua ae a tia ni kakoauaki bwa e waaki ao aanga ni kuakua n taabo aika ana moanibwaiaki.
- Katoronibwaia rabwata ibukia kaain te Betebeke n aia community bwa a aonga ni kona ni ikarekebai botaki ni kuakua ibukia kain te Betebeke n aia aono ao i tinanikun aia aono.
- Kaai ni katabwenai waaki n ikarekebai ma botaki ni kuakua aika a boou ibukia kain te Betebeke n taabo aika a tabe n rikirake ma akea iai te botaki ni kuakua ibukia kain te Betebeke.
- Boutoka kateimatoan karikirakean waaki-n-tararua aika a reke man kaitaran te aoraki ae COVID-19.
- Mwanenakin botaki ibukia kaain te Betebeke aika a karaoi waaki n tararua ibukia utu aika kaain te Betebeke n aron tararuakia bikoukou inanon uarereken natia, moan waaki ni kuakua imwain kawarakia taokita, mwakuri ni ibuobuoki n te oo n aoraki ao kamwengaraoi.
- Karaoan boraraoi ae a boboto i aon te onimakinaki, a kona ni bitaki ao iai mwiia ma botaki ni ibuobuoki man te Betebeke ibukin kainnanaoia ao aia waaki aika a boou.
- Karaoan te Motinnano ae e bobonga ibukin Karikirakeaia Taan Kuakua man te Betebeke.
- Mwakuri ma te botaki n reirei ibukin kakaeakin kanganga n te kauarinan ao te katenrinan ae ana kona ni boutoka te reirei i aon te mauri ibukia kain te Betebeke ao kataneiai, ao totokoan kanganga aikai.
- Kabanea korakoram i aon waaki aika a boou ao mwakuri aika a boutoka karikirakean aia konabwai ao ni kamwaitia taan mwakuri n botaki ni kukua ibukia kain te Betebeke.
- Karaoa te waaki ae e na boutoka aia kataneiai ao aia mwakuri neeti n te Betebeke aika a onoti rabakauia.
- Kakaeakin aanga aika ana kakerakea aia kataneiai taokita ae uoua mwangana (General Practice Education Programmes 1 and 2) n taian botaki ni kuakua ibukia kain te Betebeke.
- Karaoa te waaki ni kuakua ae boboto i aon te utu ibukin te aoraki ae te tioka ibukia kain te Betebeke.
- Boutoka kateimatoan karaoan mwakuri ibukin kauarerekean te tabaitera n te aoraki ae te kaentia nakoia kain te Betebeke ao aia utu.
- Mwakuri ma botaki ni kuakua man te aono ni Meang, taan kairiri n botaki ni kuakua ao taan kakae ibukin karaoan waaki n tararua ae e na boutoka marurungin aia iango ainen te Betebeke.
- Boutokaia botaki ni kuakua ibukia kain te Betebeke bwa ana kinai ao n tobwai kainnanaoia taian community aika ana moanibwaiaki.
- Kakoroa nanon ae ana moanibwaiaki kain te Betebeke ao aiga bwa ana barongakin te waaki ni kuakua n ruamwin butin te aoraki n te aonnaba.
- Mwakuri ma taan kuakua ao taan kairiri n te botaki ni kuakua ibukin kabobongan waaki ni kuakua ao n tobwa kainanaoia ataein te Betebeke n ruamwin butin te aoraki n te aonnaba.